

FRÁSÖGN

af fundi nefndar Evrópuráðsþingsins um fólksflutninga og málefni flóttafólks
á Hótel Reykjavík Grand í Reykjavík 21.–22. september 2023.

Af hálfu Íslandsdeildar Evrópuráðsþingsins sóttu fundinn Birgir Þórarinsson, meðlimur í Íslandsdeild og flóttamannanefnd Evrópuráðsþingsins, Arndís Anna Kristínardóttir Gunnarsdóttir, varamaður Þórhildar Sunnu Ævarsdóttur í Íslandsdeild, og Auður Örylgisdóttir, sérfræðingur í alþjóðamálum.

Dagskráin hófst á opnunarávörpum Birgis Ármannsson, forseta Alþingis, og Guðrúnar Hafsteinsdóttur, dómsmálaráðherra, þar sem þau buðu gesti velkomna og tæptu á mikilvægum málefnum sem snerta málaflokkinn, bæði hér heima og erlendis, svo sem stefnu íslenskra stjórnvalda, nýleg átök í Nagorno-Karabakh, mannúðarafleiðingar árásarstríðs Rússlands í Úkraínu og önnur málefni sem lágu einnig fyrir fundi nefndarinnar. Þeirra á meðal var skýrsla Birgis Þórarinssonar um yfirvofandi mannúðarkrísu í Afganistan og meðal afgansks flóttafólks. Auk hennar var til umfjöllunar skýrsla um umræðu um málefni innflytjenda og umsækjenda um alþjóðlega vernd í aðdraganda kosninga og hvort slík umræða hefði mögulega áhrif á móttöku þeirra og réttindi. Sjónum var einnig beint að því hvernig tryggja mætti að umsækjendur um alþjóðlega vernd nyttu réttinda sinna í umsóknarferlinu en í þeirri umræðu deildu Claudia Ashanie Wilson lögmaður og Catherine Woollard, framkvæmdastjóri *European Council on Refugees and Exiles (ECRE)* í Belgíu, sérfræðipokkingu sinni og reynslu með nefndarmönnum. Þá var einnig á dagskrá umfjöllun um hvort nota mætti sprengjur sem ástæðu til að réttlæta brottflutning en í þeirri umræðu var leitað sérfræðialits Rachel Bolton-King, dósents við Nottingham Trent-háskóla og Christian De Cock, gestafræðimanns við Vrije Universiteit í Brussel og háskólann í Gent. Á fundinum var Birgir jafnframt kjörinn í undirnefnd flóttamannanefndar um mansal og smygl á flóttafólki.

Á föstudeginum fóru fram hringborðsumræður í Háteig á Hótel Reykjavík Grand þar sem áhersla var lögð á eftirfylgni leiðtogafundar Evrópuráðsins í Reykjavík sl. vor og sjónum beint að þeim þáttum Reykjavíkuryfirlýsingarinnar sem snúa að inngildingu flóttafólks og innflytjenda. Þátttakendur í pallborði voru Birgir Þórarinsson, Joanna Marcinkowska, verkefnastjóri fjölmennningar og inngildingar á mannréttinda- og lýðræðisskrifstofu Reykjavíkurborgar, Nína Helgadóttir, teymisstjóri í málefnum flóttafólks hjá Rauða krossinum á Íslandi, Hussain Merzaye, flóttamaður frá Afganistan á Íslandi, og Mina Sharifi, flóttakona frá Afganistan sem búsett er á Ítalíu. Fundarstjóri var Louise Barton, framkvæmdastjóri nefnda hjá Evrópuráðsþinginu. Meðal annarra þátttakenda á fundinum voru fulltrúar frjálsra félagasamtaka, fræðafólk og sérfræðingar í málaflokknum.

Nefnd Evrópuráðsins um fólksflutninga og málefni flóttafólks skipar 81 þingmaður frá ríkjum 46 sem eiga aðild að Evrópuráðsþinginu og á Birgir Þórarinsson sæti í nefndinni fyrir Íslands hönd. Íslandsdeild Evrópuráðsþingsins skipa Bjarni Jónsson, formaður, Þórhildur Sunna Ævarsdóttir, varaformaður, og Birgir Þórarinsson.

Frekari upplýsingar má nálgast hjá sérfræðingi í alþjóðamálum á skrifstofu Alþingis, á vef nefndarinnar, <https://pace.coe.int/en/pages/committee-27/AS-MIG>, og eins á vefsvæðinu <https://pace.coe.int/en>.